

DÜRENER VERZÄLL

Lott dat Lillith leen!

loch, konnt jede sehn: Dat moss e Leckerche jewess senn, dat Lillith. Ich wöa jo dofüe, dat lehn ze losse. Jlasdeckel drop, e paar Stiefmötterche dröm eröm jeplanz on mer könnt sich dat emme aaluure. Do köhme se jarantiet va weck her, dat wöa optimalste Wirtschaftsförderung.

Net janz optimal woa die Wirtschaftsförderung, die die Je-WeEss us dä Bismarckstroß jedrevve hät. Hamme schon öff jenoch jesaat. Jetz kütt noch dat Speil met dä Arena dozo. Wat heeß he: Speil? Dat es e ussjewaaße Buurestock, on mier setze onge ein Parkett on dörve zolure. Dat wollt dä Schmitz net länge. Dä hät sich jesaat: En dä Bismarckstroß es nex mieh ze Kolle, do han ich ad alles fottjebout, widd Zeck, dat ich mir e paar ange Jecke sööke. Wofüe krehn ich dat Jeföhl net loss, he bluß veaasch ze wedde? Su wie bei dä Stadthall. Do jlööv jo schon n lang keene mieh aan e Wonde. Usse dä städtische Pressestell. Jetz wolle se eruss kreen, wer os die Zupp enjebroock hätt. Do han ich ene dudsechere Tipp: Ess wedde keene jewess! Dann sollt mer ävve zemindes esu vell Anstand han, endlich Näel met Köpp ze mache on die Boustell ze schleße. Mer moss sich jo vür jedem schamme, dä v . @ on ess noh Stadt eren kütt.

Öff sich och die schamme mbsse, die die Nordscholl schleße



Üere Ünz

wolle, widd sich noch zeeje. Op jede Fall kamme jetz schon sare: Jereed wudde es ze wennich on ze spät. Och wenn dat offiziell alles demokratisch jeloofe ess: Am Engk ess dann met dä Demokratie jet net janz richtig, odde angesch. Met dä Aat on Wies, wie he Demokratie praktiziert widd. Irjendswie hamme he och e klee bessje Stuttjart. Do nötz et och jaar nex, wenn emme neu Partee en dä Rothüüse eröm rätsche. Senn jo eijentlich doch bluß die aale, met neu Klamotte. Su blöd senn mier jetz och net! Janz schön blöd senn die dran, die bluß venennt wedde. Als Leiharbeede. Seide widd do dress ne faste Job. Litt net onbedengk aan dä Löck, mä am System. Wellste nämlich höck ene enteile, darfst net „diskriminiere“ on denne sööke, denne de bruchs. Moss politisch alles schwer korrek senn. Kütt ävve nee bei erus, dat mer sich seng Löck onge dä Hand söök. Odde eben lennt. Do drövv sollt och die IG Metall ens nohdenke.

Mer sitt sich!

Einmal im Monat schreibt Üere Ünz alias Bernd Hahne für die „Nachrichten“ eine Kolumne in Dürener Platt.